

蘊  
悒  
閣  
詩  
集

蘊懷閣詩集卷第三

鎮洋 盛大士 子履

乙丑

雨中借屈通守

保鈞

鮑茂才

倬

遊維摩寺夜宿觀

海樓

二子翩翩士時存山水心有誰同曠逸惟我共登臨一雨  
歷三日千巖盡綠陰行到山寺濕翠襲衣襟

山僧前揖客笑我是癡人不速來三友煙雲滿一身攜將  
書畫好辨識宋元真飽看溪山色臨摹更有神

竟日遊蹤倦居停觀海樓饒春當此夕夢雨忽生秋宿霧  
簷頭入飛泉枕畔流何時開霽景紅日一輪浮

觀海樓曉望

天雞一聲鳴披衣候晴旭不見朝暎紅陰雲斷還續彌天  
溟漲浮不辨樹與木排闥海氣入迷濛盪空屋化爲微雨  
絲絲縹聚成縠麾之不肯散終朝繞巖峪傳聞日出時三  
起復三伏紅雲導飛輪爛如五色玉如何登斯樓不能一  
寓目竚望曙色開山僧飯已熟萬事類如此平生願難足

海虞竹枝詞

湖田煙水綠浮螺中有紅粧夾岍過傳說水仙停賽會只  
因雨水去年多甲子季春里中水仙神會極盛俗傳水仙  
出門多雨水是歲果大水明年遂停賽會  
燒香浜口夕陽斜隔水花飛紅似霞一路青山一溪水綠  
陰深處是儂家

深樹黃鸝百囀殘小樓睡起怯餘寒踏青鞵雨三朝後程

稼橋西看牡丹

程稼橋西有農家所種牡丹百餘本花時遊人頗盛

麥苗青接菜花黃拂水巖邊別有莊十畝嫩芹香  
春醅熟勸郎嘗

冶遊忽遇雨廉纖薄晚開晴興又添看到枝枝水楊柳  
春痕飛上兩眉尖

春來社鼓日喧闐翠羽紅旗鬪綵鮮儂愛梳粧樓近水  
慣看北府倒划船

菡萏花開漾碧波石梅澗口雨新過郎如澗水自流去  
儂比蓮心苦更多

八月園中早桂開吳縣裙袂試新裁翠娥珠串香如許可

是修簫月底來

山腰一角露茆齋  
蕉雨蕭疎滴滿階  
共道西城山色好  
那知秋意北山佳

一櫂菱歌隔翠微  
秋江明月望郎歸  
菊花黃處酒新釀  
楓葉紅時蟹漸肥

劍門

雷斧劈山飛電燦  
黑螭跳踔鱗甲燄  
翻身擊石石罅裂  
截開兩柱撐峩巖  
扉窅險徑路絕疑  
有虎氣生威驕雲  
開霧合恣變幻氣  
候不辨暮與朝精  
芒躍嶺一千丈天  
上星辰爲動搖嘗  
聞劍閣天下壯雄  
關勢接岷峨遙山  
抱西南石向北似  
此亦足分其鑿棧  
梯直上踞絕頂俯  
聽馬足風

蕭蕭腰間寶劍向空擲雄心不逐浮雲消  
千將是我真面目奇氣直欲排雲霄  
黃昏風雨四山黑鮫人啼血驚寒潮  
山行口占

水檻風亭澹夕陽松花十里細聞香  
我來留守祠前望不見東臯舊草堂  
菜甲蠶心雨後滋綠楊城郭暮春時  
阿誰摹寫癡翁筆惟有畊煙老畫師

咏枯樹

枝枝高向碧空擎形影相看太瘦生  
一夜飛霜寒有色干山落葉悄無聲  
爲憐苞孽思垂蔭若吐芳菲待向榮  
莫怪臨風怨搖落前身我是庚蘭成

不受冰霜葆歲寒那知花葉護持難昏鴉半嶺倦將下凍  
雀一枝栖未安前此競誇春爛漫到今始覺興闌珊平林  
露出山真面勝把營邱畫本看

璜溪夜泊

短檝沿溪泊天寒夢不成破冰衝水斷缺月借霜明詩到  
殘年少愁從卒歲生蓬窻聊索句砧響助淒清

東胡蛟門明經

金詰

別君不過百餘日君已吟詩百首餘未肯閒身消白晝獨  
傳高唱掩黃初梁間皓月懷知己木末秋風悵索居今日  
相逢復相別別來還盼故人書

送張椒卿明經

鐸

歸里

料理殘年事知君此去忙無衣還待贖有債且先償風雪  
催歸權琴書整整客裝生涯勞負米幸得慰高堂

丙寅

題黃茂才

臣變

蜀遊詩藁

心血嘔不盡江山更助君長吟楚江水平揖巫山雲吳會  
懸車日才名遠近聞乞君紫霞縷織就留僊裙

郊行

郊行寂無侶忽聽人聲喧隔水若無路過橋別有村草花  
微見影梅雨未成痕野叟愛閒靜攤書自課孫

五月二日同顧茂才

思義

泛舟虎阜山塘

珠翠周圍潑眼紛銀箏檀板醉紅蓑花間人影宜臨水霧



裏衣香欲化雲小艇獨攜書畫卷鄰船盡帶麝蘭薰宵來  
燈火紅於晝賽却揚州月二分

五人墓

不許朝廷肯竟由東厥傳氣雖猶市井義共薄雲天一死  
重山岳千秋有墓田血痕應化碧宿草自芊芊

燈船競渡曲

夕陽已下空山裏山塘又見紅雲起銀屏六六盡張燈畫  
舫雙雙齊渡水舫上行人看水嬉水邊絳樹照千枝螭頭  
火齊輝蘭橈龍口星毬結綵旗綵旗蘭橈紛馳逐大家爭  
羨銅荷燭琥珀浮來鏡面紅珊瑚擊碎波心綠綠波紅鏡  
兩平分象板鸞笙徹夜聞西舫藏闔筵正設東船挾瑟酒

初醺此時綵鶴爭喧鬧火珠忽訝驪龍照泗水篙師與益  
狂錦標高插如庭燎鳴頭暖漲乍添温躍出金魚五色鱗  
鳧雁羣飛牽翠荇鴛鴦潛伏傍香蓴蓴絲荇帶輕於線掩  
映波紋淨如練二八窈娘唱竹枝春鶯嚶嚶歌喉轉清歌  
宛轉妙當筵舞扇迷離撲翠鈿不使周郎頻顧曲似隨賀  
老學調絃調絃顧曲娛良夜繞船燈火薰冰麝儂顏嬌似  
海棠花燈船紅似薔薇架夜半燈殘玉漏稀畫船簫鼓送  
人歸樽前買笑金輕擲醉後留髭燭漸微銅鈺滴盡紗牕  
曉翻恨金雞啼太早後夜還期盪畫橈黛蛾重向燈前掃  
風月歡場去若馳陰晴明日竟誰知扁舟我亦東歸去燈  
下吟成競渡詞

山塘絕句

千人石畔二仙亭  
聞說雲旗是處停  
如此彌天花霧裏  
漫勞白鶴馭仙靈

朱簾倒影碧雲流  
短簿祠前記舊遊  
添出紅樓三四所  
阿儂前歲住揚州

夜合花前酒滿樽  
玉簪輕卸醉留髡  
紅香指甲尖於筍  
細點吳宮獺髓痕

泣露芙蓉剝淚香  
古墳指點是真孃  
牽情只有紅心草  
和雨和煙總斷腸

姑蘇懷古篇

將軍教戰吳宮裏  
瞋目一呼寵姬死  
君王竟無兒女情  
紅

顏喋血不敢驚旌旗百萬西破楚一戰功成在此舉闔閭  
死吳霸衰吳霸衰西施來一朝宮闕變墟莽麋鹿走上姑  
蘇臺美人輕江山重笑口開頭顱送美人重江山輕歌管  
罷烽煙生英雄意氣兒女情一齊變作江濤聲君不見胥  
江濤水瀉明月寒綠一天沁心骨

哭陸子若

氣誼相憐恤文章共切磋論交君最摯獲益我尤多舊雨  
悲隣笛修門泣女蘿定文丁敬禮珍重爲編摩

哭胡蛟門

吾生寡兄弟篤志求友生寥寥數知己共訂寒鷗盟賦命  
同屯遭願言守堅貞天心不可測變故倉猝搜子若遺羸

疾竟返芙蓉城蛟門溘焉逝先後遊上清吾生亦何爲恨  
不從君行

吾爲乞食計久客虞山里前接蛟門書驚聞子若死余亦  
有報函書辭頗絮絮哀哉吾兩人頓失一知己豈料一月  
間悲風又狂起君竟舍我去哀痛不自己以友而兼師如  
君能有幾

贈吳頊儒茂才

卓信

久聞吳君名愛讀吳君文兩年客虞山始得交吳君貌古  
心亦古峻骨撐嶙峋疑其性偏僻狷介不可親徐而聆談  
吐意味殊津津繼而察動履跬步皆恂恂久而與之化氣  
若芝蘭薰澹如秋水澹醇如春醴醇乃知吳君文亦復如

其人真氣涵萬有說理精而純僕性極鈍拙幸君不我嗔  
謂我頗坦直樸遯全其真共玩尚湖月共掛虞山雲君如  
山頭雲靄靄盤氤氲亦如湖上月皎皎空塵氛願理五色  
絲繡此平原身

輯蛟門遺詩感成一絕

飄蕭病鶴立蒼苔會否詩魂喚復來冰雪窖中人對語更  
從何處着塵埃

茗椀香泉當酒卮安排寒具祭君詩寺鐘殘月人何在清  
夢孤牕乍醒時

書吳節母顧太孺人家傳後寄頌儒

陰雲蔽晴曦鼉鼉走叢薄霧寒鬼雨泣狂飈撼羅幕燈光

小於豆青燐起牆脚一量屨夜緣十指凍將落堂上白髮  
姑藉此進羹臙膝下黃口兒藉此謀衣襦憊苦十數年積  
勞病乃作長隨泉下人不負生前托後來兒讀書聲名滿  
京雒息影歸江鄉白楊繞春郭杯酒奠黃土酸風起巖壑  
猶憶母在時笑言宛如昨巾箱手澤留教兒勤討索兒今  
不見母涔涔淚交錯長念生我哀豈識有生樂

丁卯

古墓

漆燈蠟油炙石髓猿狖颺颺幾回死玉魚暫埋入躍去黃  
土餘輝寶花起初疑埋骨在邱壟或恐平地亦荒冢紙錢  
高燒絮酒弔地下聞啼又聞笑仙才鬼才爾莫爭彭祖哭

殤殤笑彭

古井

冰輪一片天上圓蟾蟾薄蝕缺不全在羊吸取玉甃泉清  
光一綫飛上天石蛟千年凍不死飽嚙寒漿沁心齒莫持  
碧火照老魂恐有人從水中起

古宮

泣秋月愁春風竹叢啼綠花惱紅朱闌六曲飽香蝨蠹蝸  
補出珠簾櫺蘭葉裊雲御溝紫豔鬼折腰掠香水連臂踏  
歌赤鳳皇老狐跳出偷珠璫

古壘

驚沙沉沉蔽虛廓苦霧黶雲氣慘惡髑髏入地三尺深白



螻黑蟻爭餘腥當年轅門盛兵仗蒲萄酒醉醞稔帳猿臂  
材官搥戰鼓帳中美人胡旋舞孰是龍彫孰貔虎無數英  
雄入泥土荒原宿草青芊芊玉關明月仍照天

花朝怨

釵梁麗綬團金懸翠裙鳳子雲樣鮮隔花如煙鳥聲細樓  
上春寒人倦眠衍波牋小冰紋纈睡思唵懷兩淒絕一簾  
香夢過花朝百草紅心葬花骨鑱門了烏春晝長落花無  
言人斷腸君不見皓齒明眸罷歌舞墓門秋寒泣香雨

同張椒卿明經王葆初同年履基餞春語濂溪舟

中口占

吳牆掠水水初平卧柳千條夾岸迎行過紅橋東渡口落

花深處有人聲

玉環曲

語溪張片山家藏玉環一雙相傳爲河東君故物盛子見  
而感焉作玉環曲

絳樓僊去苔空綠垂楊垂柳傷春日杳渺梨雲化碧煙雙  
環剩有茗華玉語溪賞鑒集名流殘璧遺珠競討搜張氏  
收藏推第一河東故物到今留停勻肉好看無恙晶瑩不  
受纖埃障碧影雙懸秋月明紅紋一點春雲釀精巧真同  
玳瑁簪玲瓏台貯流蘇帳埋玉深深金粉消摩挲引我添  
惆悵當年瑤島來僊客題詩好做簪花格徐佛才名遠近  
聞絳紗弟子稱雙璧垂虹亭畔水初平玉筍梅花愴別情

南浦未消春水恨東風吹動珮環聲珮環聲動僊霞帔尙  
書一見頻傾意翡翠簾前柳眼顰芙蓉舫裏花顏醉醉中  
巧笑鏡中顏舞扇低迷壓髻鬟逸格踟躕渾似玉柔情宛  
轉妙如環玉連環似昭華瑄中邊一綫清輝滿粉盞香篝  
處處隨晶奩銀蒜朝朝伴清波激灑濯明璫小築琴河拂  
水莊媛介才人停繡輦元文嬌女贈新章纏聯贈答裁詩  
稟詩情也似瑤環好金鴨添香暗繞縈玉蟾流影斜迴抱  
自從慵髻感秋風紅粉叢殘首似蓬玉暈啼痕籠淺碧環  
凝淚點怨新紅尙書身後家蕭索秋槐霧影迷粧閣已恨  
金甌好夢虛那堪貲產傷零落罡風碎玉痛倉皇環珮魂  
歸碧玉房一死頓消風浪險千秋遂使姓名香舊時陳迹

皆灰燼玉籤細帙無人問吉光片羽剩雙環珍藏不數劉  
娘印玉環聲價重連城秋水冰壺一樣清繡匣開時看皎  
潔紅絲裹就更輕盈可憐東礪風流歇讓與蛾眉著名節  
玉女同畊種玉田山人罷采西山蕨僊姝雙珮落人間舊  
淚猩紅散作煙亥字穿珠工點綴丁香染黛自勻圓卽今  
見物多振觸百年脂粉空金屋我向花前翫玉環彈成綠  
綺傷心曲曲罷燈殘酒半醺語濂溪水澹黃昏屏間忽聽  
珊珊響竹影依稀月下魂

語溪返櫂

湖光沉夕照帆影鎖溪煙隔水少漁火月華載滿船五更  
擁被冷一夜抱雲眠曉起蓬牕坐青山到眼前

喜雨用曝書亭集紫藤花下聯句韻同王葆初作  
時與葆初同寓照曠閣閣中藤花盛開賦此以東

主人

一春天久晴不雨歷三朔古礎倏潤液陰雲罩椽桷生花  
筆不枯况被香雨濯喜雨示我詩見獵共君較藤枝滌垢  
氛斬新氣清卓話雨坐吟花游心入元邈喜見青蘚濃紅  
蕉心可剝喜聞黃鶯啼綠楊腰可搦晚霽蟠虹蜺澹青碎  
殿穀而尤喜藤花紫茵綴珠幄雨意殊浸淫詩情競琬琢  
安得濯枝雨成霖化礎确春農耒耨勤餽婦睡驚覺秧田  
叱犢犁鎌豆恣鳥啄試讀汜勝書稼圃亦可學河陽舊從  
事好奇推李涿高吟花下詩濕雲剩簷角斑鳩盡情啼粉

來數  
信手捉君勿嗤我詩啁啾類鳩鷺喜極拍案起冒雨往

同孫庶常

源湘

吳茂才

卓信

王孝廉

履基

譚茂才

天成

黃茂才

廷鑑

張明經

鐸

遊石屋洞次黃

廷鑑

韻

鵝鶴棲高雲西山氣清邃其下有石屋陂陀積巖翠其中  
雲氣蒸蓬蓬鬱其蔚其旁劖孱顏撐拄危崖墜環舍泉琤  
琮澄潭沁心胃勝情印須友薄遊訪靈閣樛枝挂煙蘿香  
索澗雲繩一步一世界心清滌煩悒五月披裘尋裁雲作  
衾被可以秉炬遊靈符掃山魅可以枕石眠仰吸天酒醉  
可以煉神丹石鼎炊金沸牽蘿笑補屋功成非一簣卽此

審容滕絕與人境異移來庇寒儒斗室抱雲睡十笏山人  
居侯門失其貴清嘯還金石高歌動天地胡爲神僊窟悶  
茲靈秀氣廣厦志不申勝遊倦還未同人笑我癡盤薄狂  
興至懷古立蒼茫作詩闡奇秘遐溯高隱蹟載考吳地記

石梅澗觀荷次黃琴六

延鑑韻

輕綃一匹漾漣漪小榭瓊瓏倒影窺山脚別開生面好水  
鷗無數向人嬉

手繡花史選羣芳細與評論費主張不爲凌波賦神女一  
枝湘管更誰忙

觀荷絕句

停橈有客看花忙那識無花處獨香路轉西溪最紆曲更

無人共立斜陽

冬日曉霽

曉霽陰霧收負暄茆檐下古梅立癯瘦蕭疎不碍瓦凍癡  
玉碎擎香溜珠倒瀉對門撐孤巉林梢露丹赭遐睎矇眇  
開寒枿滿平野村醪味頗醇客至我心寫

山居卽事

蒼雲環寒峯礪學鏗竒秀矚密摧琅玕高稜踞白獸豁呀  
瀉澄湫蛟罾補其竇聒耳掃林籜逼我詩骨瘦山鬼啖玉  
榮呼之不肯售鬱儀鞭躑烏泠泠吸餘嗽





蘊縹閣詩集卷第四

鎮洋 盛大士 子履

戊辰

將至京師留別諸同人

悔作籬籬鶡啁啾戀故林但消千日酒已愧半生心  
春雨陰淺滄江樹色深親朋嗟遠別莫使雁書沉

驛樹春歸早行人落日邊亂鴉雲萬疊匹馬路三千塵海  
茫無岬溪山舊有綠柳條休盡折留盼渡頭船

京口晚渡

日落飛鳥背暮山雲不停金焦兩點碧楚粵一帆青江水  
自今古天光入杳冥泊瓜步口燈火亂春星

瓜洲

石岬環沙渚江潮欲上時  
雪花斜抱樹煙柳暗生枝  
水閣澄開鏡春山澹入詩  
時平無戰壘風靜戍樓旗

梅花岡

莫話留都事寒鴉落照昏  
江濤流戰血坏土泣忠魂  
碧草滄桑改丹心汗簡存  
出師揮涕淚成敗不容論

隋堤

十里隋堤水淪漣漾錦鱗  
樓臺二分月楊柳六朝春  
澤國舟如織鹽田戶不貧  
持盈訓勤儉戒爾蕩遊人

月夜借沈方立同年端遊平山堂

水月爭輝處扁舟載酒行  
橋眠溪岬曲山揖寺樓平  
覓路

陪僧話催詩轉漏更魚磯燈數點不斷權謳聲

高郵道中

荻葦飄蕭際漁歌遠近聽露痕浮渚白水氣入雲青孤燕  
營新壘餓鬼失舊汀荒陂泥淖沒吹雨夜聞腥

舟中雪夜東沈

端

客夢若相續清懽與子偕飛鴻滿天地急雪渡江淮撥火  
消茶話衝寒壯酒懷盤飧剩鱸膾鄉味少尤佳

清江浦

津亭風色曉千里舳艫通放開濤奔馬衝沙石跨虹酒旗  
飛鳥外燈火亂流中別有溪邊屋春鷗狎釣翁

旅泊書懷

旅懷成獨夜遠道戀微名酒力撐風健詩唇嚼雪清山藏  
雲淺澹水吐月空明一櫂來江北征途又幾程

黃河

昏曉陰晴變驚濤撼碧虛淮流防混合清口慎宜瀦鳧雁  
千村失魚龍一氣噓已聞洪澤水漂蕩及巢居

邳州曉雪

侵曉天微雪征車過下邳絮迷官路柳花簇酒家旗斷坂  
人煙少長途僕馬飢前行三四里紅日照流澌

界河驛

一水界鄒滕平皋曉翠凝馬蹄消霽雪人影踏殘冰路遠  
車行早春寒酒價增高原一迴眺鳧嶧秀峻嶒

鄒縣謁孟子廟

傳食齊梁國匡時禹稷心知言非好辨造道必資深魯廟  
門牆近嶧山喬木森聞知五百載絕學冠儒林

山行

不陟山谿險安知行路難鵬弦翻月暗馬骨削雲寒拂面  
塵千尺攬身嶺百盤豁厓多怪石不敢下車看

客倦日將夕馬飢途又長沙痕搖澹白石氣閃昏黃壞壁  
風霜古頽巖草木荒崎嶇行不得心定卽康莊

客中春欲半寒氣太蕭條橫橫冰猶肚穿花雪轉嬌戍樓  
時聽鼓野迳不逢樵林杪炊煙合人聲近漸囂

十里五里間出山還入山  
廳輪紅日轉霜翻白雲攀村市

人通巷茆庵僧閉闕晚餐眠尚早倚枕把詩刪

蘆溝橋

遠翠西山落鞭絲拂軟塵日邊虹吐彩河畔鯉浮鱗紫氣  
千門曉綠陰萬井春石闌獅數百閱盡往來人

觀象臺銅儀歌

金城萬雉排青蒼司天觀象臺高驤玉瑱雕柱壁飾璫羅  
列儀象輝煌煌攝提運衡戛八琅星環迸露作作芒皎若  
日馭升扶桑東西二道亘赤黃翠雲崇靄蟠中央地平紀  
限天尺量錙黍寸積絜短長天風吹動竿旗揚五雲來儀  
丹鳳皇紫薇中殿開華闔金鱗盤結輝

天章東旁精舍銅壺房石臺銅葉渥彩彰仙人露掌承華

榮開榮灑澤洪無疆昔聞渾儀元史詳郭守敬造銅毬良  
舊儀歲久當更張有司奉勅臺下藏螭蟠石蘚頭戴霜  
土花斑剝生冷香新儀精密勝故常登臺占象睇八荒糺  
雲晦雷和風翔苗螟葉蠶銷氛殃浪井銀甕浮春陽地泉  
天酒館萬方臣民拜手頌我

皇璣衡授時法古唐時寒時燠時雨暘五稼嘉熟祝歲穰  
春臺熙熙人樂康

槐市斜街晚眺用竹垞移寓韻

城隅地僻少車輪薄晚樵童負粟薪莫悵紅芳易消歇六  
街猶有賣花人

盡日閒行曳布鞵爲尋竹垞舊書齋詩人老去槐陰綠深



樹煙迷屋後街

花外青帘夕照殘買來酒味稱心難誰家標寫江南釀茶  
市停車仔細看

蘇徑掀泥駐客驂槐籬小飲佐清譚一時裙屐開詩社古  
井寒泉沁齒甘

竹垞詩昊天寺近井泉  
甘今寺已廢井泉尙存

送王葆初之官秦中

薄宦亦非計其如祿養何輕裝行路便名士入關多石穴  
搜奇字峭函發浩歌春明門外酒臨別醉顏酡  
一片燕臺月隨君共遠行壯遊多勝蹟傲吏有循聲秋草  
官衙綠春農沃野畊雍岐民俗厚治行易觀成

題畫

北村南霜葉紅蓼花兩岼晚霞烘披圖却笑長安客不  
於江一釣翁

吳巢松孝廉

慈鶴

畢子筠孝廉

華珍

同寓松筠庵

賦贈

癩病鉛槧廢禿管愧枯槁適來招提境尋詩訪朋好嶽嶽  
吳季子才名冠江表健者銅陽卓二妙互傾倒僦居入禪  
林斗室絕塵擾庵以松筠名文星位置巧晨露溢園花夕  
陽噪林鳥馴鴿呼雉媒蝨魚避龍腦籤軸紛丹黃湘帙積  
青縹揖客篋車停呼僮蒞逕掃促膝坐十笏清譚暢懷抱  
座間風雲生壺中天地小我昔海上來日出樽桑曉紅霞  
千丈浮蒼煙四山繞靈威山隱居霓裳隔縹緲茲從二子

遊恍登十洲島禹窳摻奇文龍宮閱靈寶高論眇今古疑  
義恣蒐討京邑車轍喧鞦韆塞街道焦煙蒸蓬蓬烈日暹  
杲杲觸熱襪襪子清涼氣絕少高朋冰雪譚往復破煩惱  
消夏憇僧寮削枹脫手藁詩句留長安他年認鴻爪

閒情十二首

瑤臺病鶴倚黃昏翠羽飄蕭舊蘚痕遠道漫思通一水曉  
寒只合閉重門風鬟綠剪簷前絮花骨紅消鏡裏魂雙槩  
橫塘重問渡浪吟桃葉與桃根

畫梁海燕可憐生雲母屏風玉柱筍未免情人怨遙夜漫  
傳名士悅傾城羊燈影細珠簾薄鴛帳香寒綺夢清不分  
蓬山天咫尺隔紗聞得步搖聲

草花外響春雷疑是章臺走馬回南浦水連河畔草北  
山雲罩隴頭梅羅浮舊夢俄成幻雪夜新詩浪費才多事  
紅襟雙燕子水晶簾下故飛來

那有明珠贈蹇修更無消息到銀鈎花晨煙靄濃於酒春  
夜星河澹若秋人共黃楊逢閏月詩隨紅葉落清流霓裳  
曲是鈞天樂不散人間萬斛愁

縹緲神山海上仙彩雲如霧雨如煙阿嬌合貯黃金屋有  
客曾耕碧玉田孔雀東南餘別恨浮雲西北是情天文姬  
琴調哀難續不待重彈第二絃

洞庭波浪渺愁予何處靈妃響珮珞澧浦夕陽人去後亭  
泉落木雁來初慣栽南海相思樹漫羨東方比目魚垂手

闌干明似玉卷簾天影浸秋虛

碧蘚空階暮雨添輕陰漠漠草纖纖鴛鴦錦段書傳恨鸚鵡芳情語避嫌金谷鶯花原旖旎玉臺硯几自清嚴懺除綺業難消盡麗句重吟昔昔鹽

日出城南陌上桑翠鈿羅綺耀明光娉婷似惜芳春晚邂逅相逢大道旁紅雨連朝迷巷徑綠陰明日滿池塘不知千騎東方至五馬誰家飾乘黃

蘭房殘蠟照幢幢寂歷牆陰少吹龍涼月自生青玉案冷香不散綠紗應麝蕪山上春如夢蛺蝶花前影自雙學繡留僊裙六幅流蘇宛轉玉琤琤

玉牀瑤簾枕文犀侍女添香理象篋爲愛遲眠愁聽雨偶

思閒步怕霑泥生綃花鳥圖誰贈麗句珊瑚筆慣題莫倚  
粧樓望春色陌頭楊柳正萋迷

醉時懽笑醒時嗔懊惱心情亦可人獨上樓臺愁盼遠每  
聽絲竹暗傷神名園北地新聲艷臣里東家故苑春生小  
浣紗溪畔住不須更學捧心顰

修竹天寒綠不肥腰肢瘦損六銖衣蓬門寂寂春將盡金  
線年年計總非秋草尙餘春草碧霜華還照露華晞何當  
借得鷗風翼化作雲間彩鳳飛

習射行爲汪厚夫樞曹

彥博作

古人六藝兼文武一藝能勤拙可補四方天地男兒心倏  
忽蛟龍變雲雨腐儒窮酸絕可哀面牆枯坐眉不開豈無

蘇轍詩集卷之四  
一  
雄心破犀兕坐困禿管埋蒿萊射策金門致上第惟君彩  
筆干雲際奮袖風翻金僕姑出匣干將失精銳近聞

天子幸灤陽獵火旗紅塞草黃鵬鶚千羣迴馬磧騏驎五  
色繞龍章單于臺下霜初曉都尉營前雪不掃飛鏃看追  
駿馬蹄頭鷺已攫饑鷹爪六駟扈從列干官猿臂將軍老  
據鞍君也書生有竒氣昂首顧盼天蒼寒幸逢四海戈鋌  
靖禮射賓筵好以整子雲詞賦動公卿長楊羽獵才鋒騁  
五陵裘馬鶯花春棄繻走踏京華塵吾將從君學作射生  
手安能懷鉛握槩困苦衣食纏其身

連雨排悶有作柬汪樞曹

吳儂生長魚蛙鄉夢中怕見梅雨黃那知騎驢來到此中

宵避漏頻移床陰風蕭條晦白晝枕簟六月生虛涼宣南  
坊口溢暴漲水勢城角爭低昂哀禽失侶避簷幕餓犬攫  
食通鄰牆有時乍見月吐光霧鬢攪亂姮娥粧投壺玉女  
指而笑殷雷倏起山之陽破屋打頭竄鼯鼠萬戶晨炊少  
煙縷一身二黼縱可飽誰爲災黎拯疾苦窮儒切抱杞人  
憂搔首皇穹愧無補北方土燥愁滂沱江鄉奈此鴻雁何  
黃河水強淮水弱倒灌勢欲翻天河具區東南接大海滄  
溟翻浪驕鼉鼉附書江關滿涕淚風雨夜挾驚魂過杜陵  
秋述客思多舊雨且共消愁魔茫茫身世集百感拔劍斫  
地成狂歌

團扇曲



湘簾風細吹笙院團團明月澄於練疊雪裁成越紵衣招  
涼製就齊紈扇齊紈團扇製玲瓏玉蘂雙魚紀漢宮香縷  
細穿鸚鵡綠銀鈎斜點海棠紅北牕午睡消清晝一揮爽  
氣生襟袖便疑身到廣寒宮半牀落葉吟詩瘦誰家怨女  
倚粧樓反影旋娟動別愁羅袂夜涼宮漏永玉關信斷碧  
天秋碧天無情冷香雨亞字欄前向花語紅牆待月撲流  
螢返照霓裳羽衣舞別有文園善病人冰綃圓薄擁吟身  
木芙蓉花碧桐樹十二金徽琴思新茂陵秋草斜陽暮誰  
賜金莖一杯露官門雉尾雲沉沉隔斷蟬紗幾重霧昔日  
恩情暫棄捐底須辛苦互流連君不見石榴花開藕花放  
沉香匣啟春雲鮮

錦帆曲養泉齋中分賦

燕城焦土金粉香詩人懷古吟隋皇隋皇行宮翠雲帳麗  
人歌船紅繡檣綵爲花繪爲樹呼韓醉卧長安路瓊花觀  
吳淞臺邢溝傳報龍舟來吹竽笙擊鉦鼓左霓裳右雕羽  
宮妃水嬉柘枝舞水面落紅濕香雨錦段帆衝錦浪新揚  
州三月煙花春春風綠盡長堤草君王自笑頭顱好外間  
知有人圖儂儂自揚帆明月中柁樓昭容粲玉齒停帆請  
築丹陽宮江南錦繡春飛練河北旌旗夜傳箭紫泉城闕  
雲低迷雕梁深鎖飛燕泥垂楊十里寒煙繞不見歸帆見  
歸鳥雷塘腐艸遍飛螢影入南徐遠樹青南徐北固滄桑  
收迷樓春去青山在吳孃翠袖舞迴波猶似蕭孃剪宮綵

君不見十幅蒲帆兩岼舟江濤終古茫茫流

和厚夫樞曹暑直四詠

冷布

曲池漚水三葛方格招涼半牕檻外窺人冉冉簾波對影  
雙雙

涼篷

戶外一峰隱隣牆頭四面周遮鄉夢扁舟沙岼蒲帆細雨  
蘆花

冰槃

雪窖鑿開硯礪金莖捧出團團滴水流珠不定彈琴翳手  
生寒

櫻拂

掃却牙籤蟬蝨驅除几榻蠅蟲紫髯髭對我羽扇翩翩  
伴君

同查梅史大令 按 集飲張鹿樵舍人 大鑪 齋中

瓊瑤燕臺客蕭條易水風十年身世感一夕酒杯中談笑  
看捫蝨關山悵去鴻旅懷勞慰藉高誼有張融

同李蘅塘中允 錫恭 遊陶然亭登黑窰廠

客愁生遠道况值九秋時禿樹日昏晚一庵雲台離饗農  
壇舍近 東去爲 陶旄土風宜蘆岬飛秋雪頓催鱸膾思  
先農壇

送汪樞曹扈獵木蘭

秋色滿關塞征車扈獵行天開三日霽月出萬山明詩思

馬頭起鄉心雲外生刀鏤唱燕市濁酒醉霜橙

厚夫樞曹自木蘭歸買菊補重九會席上賦贈

畫角清霜寒信到刀頭明月故人還重斟九日尊前酒同

話三秋塞上山鹿脯登盤噉燒尾

席上有鹿尾

菊花卷幔笑酡

顏紀游詩格沉雄甚朔漠風雲指顧間

冬日同厚夫樞曹圍爐聯句限十蒸韻

何以消寒夜

汪彥博

西牕共剪燈紅泥安竈後

大

黃葉閉門

仍簷瓦霜初覆

彥博

簾鈎月漸升鐘聲來遠寺

大

茗話得良

朋屋小同蟠螯

彥博

人慵肖凍蠅鄉書鷗渚隔

大

宦轍駿臺

憑索米嘲方朔

彥博

思尊感季鷹酒腸澆未熱

大

詩骨峭生

稜宿火長留得

彥博

殘灰自撥會松明浮海客

大

芋熟任山

僧冷澹心情合

博彦

崢嶸歲月增閒忙身若寄

大士

剝復氣相

乘炊黍還丹愧

博彦

吹葢往事懲一枕防炙手

大士

並坐任橫

肱春滿臞儒樂

博彦

更闌倦僕憎今宵布被底

大士

兩腳不成

冰彦

厚夫樞曹攬鏡見白鬚一莖作歌自嘆余亦兩鬚

微斑感而賦此卽次其韻

霜華點額鬢鬢改不使春光少留待吟髭詩髻兩飄蕭對  
影同看互談詒吾曹惟有詩興狂掀髯叩天訴真宰欲剪  
蒼雪換紺螺長揖青蓮一干載笑傾天瓢醉瀝液恥向腥  
厨乞醯醢髮神何爲不曉事那肯詩懷見汝餒况有百鍊  
之還丹鬢鬢化作鬢雲采哀蒲細柳好護持野鶴青松自

常在會須晞髮陽之阿煙霧蒼茫跨東海道逢飛仙吳彩  
鸞舉袂招邀不我免愚公之山移石成毋使桑榆晚年悔  
驚心潘鬢漸如絲手酌酒卮屢承顏

華表鶴歌

遼關華表一鶴翔口吹天花仙語香白楊蕭蕭舊城郭落  
月譙樓生冷光去家千年姓名古昔日紅顏盡黃土誰爲  
將相誰王侯荒冢飛燐散秋雨寄語城邊挾彈兒人間陵  
谷幾遷移冬青樹頭杜宇叫何不從余雲外飛

同汪樞曹和馬秋藥太常

履泰

抵掌吟

范蠡扁舟載西施游五湖留別文種

吳苑梧桐覆薜苔舊時紅袖笑攜來祇應湖海藏春色不

礙江山少霸才侍女無心戀香徑故人何事醉文臺君恩  
却在藏弓後聞道黃金鑄幾回

桃源送漁人出洞贈別

連朝釣艇泊溪旁花送君歸水亦香小住偶然談魏晉重  
來恐又感滄桑客尋漁浦春常在山入雲林路易忘莫使  
緣慳虛後約落紅門巷鎖斜陽

和汪樞曹祭詩行

汪倫積詩一千首邀我同斟祭詩酒以詩祭詩君詩成我  
亦祭我真性情天風吹香散花雨空山詩鬼通神靈貧厨  
愧乏五侯味乞君分我虞悰羹莫嫌我家供具少鶴算糧  
資枵腹飽但願年年昌我詩神其饗我酒一卮



己巳

燈市春遊詞同厚夫樞曹作

幡勝街樓點綴工鎖門了鳥綺羅叢西河沿接琉璃廠火

樹星毬徹夜紅

琉璃廠在西河沿南楊梅竹斜街西是燈市極盛處

鐵撥琵琶醉舞筵氍毹蟬髻壓花鈿自從環髻傳新製小

婦家家效阿錢

毛西河姬人曼珠張姓小字阿錢豐臺賣花翁女也幼甚慧能效百鳥音縮髮作連

環名百環髻人多效之

春城游女踏紅綃可是羊家靜婉腰香水拈萋剛洗去避

風猶戴髻邊貂

京師女子冬日以拈萋塗面春暖滌去不為風日所侵故潔白如玉查嗣琛詩春風

暖入肌膚滑初點胭脂洗拈萋

廠西柳巷擁香篋細步蓮花渺若仙好趁金吾寬夜禁探

春遶御史墳邊

麻東有遶御史大夫李內貞墓

花戶油牕絳蠟明

亮應一名油牕以琉璃片繪畫人物花卉查嗣瑛詩銀磨齋前重儼海油牕花

戶過新年

織裙鳳子夜寒生消魂何處簾鈎響半是琉璃半水晶

晶

裁成羅綺四五幅費得金錢累幾緡火巷三條行未徧新衣恐染軟紅塵

水調新翻夜度孃麝蘭香氣過紅牆儂家聽月樓頭住爲

愛晚粧嬾曉粧

梁家園向東小樓舊名聽月樓毛西河有詩

咬春燕九集梨園十棒元宵羯鼓喧崑調居然小良輔教

師傳進景山門

景山內垣西北隅有房百餘間爲蘇州梨園供奉所居

毬場逐隊去來頻歷落星暉漸向晨若使重逢倒喇戲燈

街猶有倚樓人

倒喇金元戲劇名也此技之故竹垞初白俱有觀倒喇詩今則久未

國初時尚有

之見矣

鳳城雉堞聳巉巖坊巷雕甍七寶嵌綵帖宜春新第宅蠟糊紅紙署頭銜

新街火判號龍圖赤雀牙旗左右扶當道儼然氣馭熱市

兒鼓掌笑挪揄

街市以紙作人形然

高結銅盤百丈繩七龍五鳳照層層珠絲編作太平字金

縷穿成 萬壽燈

同作

同里

汪彥博

金柑璀璨獻金門賜出黃羅拜 主恩夾道萬人看

詔下麥芽剛透五生盆

春場爭買土牛圖  
鼓打迎年百草蘇  
我亦要寬三日  
假白鞵校尉放金吾

太平萬歲字穿燈  
浴出蠶池異樣綾  
細繞苑牆銀闌  
響凌牀早泮一河冰

瓊島芙蓉水殿開  
春風遶后洗妝臺  
短鞵窄袖筵前  
舞學得東丹射鹿回

法曲蛾兒舊樂工  
當年傳自玉熙宮  
一從頓老琵琶  
歇北調于今迥不同

滿城貂髻入年新  
七寶香奩勝裏人  
面洗括蕞消盡  
臘口含蘿葡咬將春

白塔寺前遶塔去  
玉河橋畔走橋來  
商量後日尋春

伴嶽廟杏花開未開

豐臺輪與賣花翁  
呪得花兒肉色紅  
二十四番芳信  
外別添一信試燈風

祈年觀外乳鶯黃  
戲水金魚尺半長  
祇許兩廂居樂

戶

近以神樂觀附近居民濶雜悉令搬移

蜨仙靜對老齋郎

烏蠻移市聚黃圖  
鞞鞞珊瑚鬻五都  
今日高句驪慕  
化廠西購得異書無

花門春記月弦高  
貢馬重添苜蓿槽  
欲把一窠紅躑  
躑換他十斛綠蒲萄

前輩風流翰墨場  
新詞付與雪簫娘  
何人解唱江南  
曲不獨鍾情冒辟疆

座主何侍御茂軒先生招飲虎坊寓舍卽席奉和

原韻

軟繡街衢月皎然隨班玉筍叙良緣綺筵獻壽懽飛瓊

元夕

前三日爲先生誕辰珠市從游醉控鞭馬鄭師門多勝侶鶯花

帝里又新年官梅東閣春風到末座傳箋喜欲顛

歸家

已被青山笑重尋白社吟花愁燕市月酒盡客囊金獨夜  
催鄉夢悶身負壯心鳳城春在望別思幾回深

津亭宿雨收曉色上蘆溝遠水聚人影白雲生馬頭柳嬌  
絲礙路麥熟穗連疇風物郵居好關山愧浪遊

蘊悵閣詩集卷第四

蘊懷閣詩集卷第五

鎮洋 盛大士 子履

己巳

自都門歸泛舟訪虞山友人

青山如故人濶別積遐想良友如好山坐對愜欣賞三生  
苔聚岑朋交海嶼廣幃筓郭隗臺侘僚絆塵鞅悲筑破春  
夢清謳動秋槩眠沙鷗狎水闖萍魚避網五兩候風駛未  
到神已往停橈若慎惺躡屐倏悵悵恐以塵面觸翠微未  
及上山人揖客笑謔詞叙疇曩招我登巉巖呼僮剪榛莽  
層坳轉而折背俛面若仰四圍竦危架一角露平敞修眉  
浮黛鬢峭骨洗刻磔石蹲夸娥肩劍劈巨靈掌海天雲滿



漫日月共排盪眉眼豁夕翳襟裏挹晨爽或桐帽樓鞵或  
葛巾栗杖或縹緲練裙或蹁躑鶴髦胸列五嶽秀嶂岫闢  
高朗沆瀣吞吐間神境忽恂恍豁厓瀉溜泉激激助清響  
寒亭訪碑歌爲永州司馬李虎觀

邦變賦有序

寒亭在湖南江華縣治南五里唐代宗時縣令瞿令問愛  
其水石相勝求得洞穴棧險以登構亭巖際元次山刺道  
州行部至縣遊其地作文記之瞿令問書磨崖亭背隸法  
道逸元明以來以徑險遊者罕至碑文搨本流傳絕少吾  
友長洲李虎觀司馬於嘉慶乙丑歲尋巖訪碑梯磴剔蘚  
命工人何大權摹搨以歸誠希世墨寶也已巳歲余自都  
門歸司馬亦奉諱家居出所藏石刻贈余余作長歌四百

二十言答贈司馬亦以誌余之幸云

零陵司馬李郡侯湖湘石碣窮微摻江華官廨清晝靜命  
駕出郭寒亭遊高嶺焚溫峯挺萼飛宇奔溜崖懸抽亂石  
壓磴踞白獸萬木交戟蹲碧蚪豁厓崩崩巨天際兩眼睜  
貽神逗遛僉曰逕險不可上露刃獨衝風颯颯都廣珍秘  
闢潭與玉斧刷骨金窠鏤元漫叟文瞿令隸峭刻生動逸  
且遭風摧霜剝一千載疑有神鬼潛陰麻惡峯蕭茆剪藤  
葛碧雲削出千峯稠林於翁蔚瀉寒綠空青節角開球球  
榛莽芟盡石骨露如割宿癭刮蝨癩磨厓永泰紀丙午片  
石攷信珍瓊琇改元大歷十一月史筆確證廬陵歐元明  
摹搨未及到守殘抱匱力不勦嗚呼古人不復作所賴文

字人間留周宣獵碣唐代顯秦詛楚出朝那湫順伯漁仲  
互訓釋芸叟魯直精校讎石墨顯晦天數定總有元氣輝  
千秋鼎鼎藥恣磨鍊蓄久必發沉必浮李侯今之趙德  
甫金石著錄書錯揉仰取俯掇不少度物萃所好爭歸投  
波斯大開百寶庫鐵網四面珊瑚收着手摩挲愛難割赫  
蹠日輦六七郵寒亭訪碑紀游作較轆次山追柳州裝題  
籤軸誇示我冷然高曠開塵眸恍登斯亭絕頂望炎暑不  
到清而幽嗟余平生癖嗜古更愛枕石棲巖邱疑麕駭彘  
少涉獵聞見壅障儒生羞惡思御李叩玉府躡景飛渡芙  
蓉洲

古錢歌同黃茂才

廷鑑作

平生嗜古恥錢癖近搜古幣癖嗜錢誰其同志琴六子君  
請聽我歌長篇幕義面帝劍邃古九府利用蒼姬傳贏鎰  
踵興鑄漸廣銖兩分寸平衡權歷朝紀元孝建始唐誌郡  
邑標洪宣南北趙宋監局夥闕城貿易流百座貯收綜覈  
累千載蝨蝨視肉好全要其存者體質堅精鋼百鍊光  
黝然火燔水汨土液灌龍紋蠕動蟠連蜷揚葩石蚘削翫  
翠金螭紅射珊瑚鮮錢神賴汝呵護力疑有金囊牢關鍵  
商彝夏鼎杳難溯積行繕算長延延自來河山幾易姓不  
與陵谷相推遷座中摩挲集珍秘二十二史同編年排列  
世代燦列宿貫珠乙乙青絲穿分條析縷辨正閩綱目史  
筆如杠椽正品僞品神異品當十當百或當千或篆或隸

或真草波襍體勢工雕鐫旁及壓勝并撒帳裝以寶匣裹  
以緜有客問我誰購此歸載貨布辭幽燕旬積月累苦徵  
索毋許細大少棄捐黃子過從時互易相與傾倒真珠船  
君不見棧臺城陽散鉅萬嶙峋嚴道高參天蠟螭羣飛繞  
金穴療貧吾輩無其緣嗚呼療貧吾輩終無緣何須戀却  
阿堵物坐使百慮中焚煎世人愛錢吾愛古吾亦笑吾迂  
且顛

海上

海上戈船瘴雨昏怒潮直欲撼乾坤青燐榕樹烽煙氣赤  
色蘋花蹶血痕楊僕尙能爲厲鬼孫恩何處脫游魂從今  
水驛通舟楫免使東人賦簋殮

題李湘芷上舍

元壇

枯樹圖

瘦削營邱筆蘭成賦並工虬鱗摻蝨蟻石髮碎蟠虹月白  
霜潭外雲黃雪窖中自存生動意未許卧蒿蓬

舟行紀所見四首

廢寺

何代招提境頽雲卷薜蘿木魚梵唄少松鼠石龕多剩瓦  
風霜剝傳燈歲月訛三生桑下宿筇竹記曾過

古冢

霜華寒砭骨淒斷鮑家詩蹲獸斑凝石啼鵲血挂枝採樵  
穿側逕捫字讀殘碑灑盡英雄淚臨風奠酒卮

荒園

水木仍明瑟誰人醉羽觴紅闌藏蜥蜴碧瓦散鴛鴦重覓  
輿丁路空聞菜甲香歌臺春寂歷吟思落斜陽

野航

浮家煙水窟身世一沙鷗春雨綠楊岼秋風紅蓼洲遠村  
時喚渡晚市每聞謳笑彼關津客危檣阻石尤

同作

長洲

李元壇

禪關終日閉黃葉短牆堆宿鳥自飛去晨鐘誰暗催  
壇空今夜月香冷舊時灰倘得詩僧遇相期此地來  
廢寺

枯樹不成陰寒雲宿艸深長流季子淚易老美人心  
寂寞青燐火悲涼白鳥吟銜杯弔殘月桑落帶愁斟

古墓

紅樓拖半角疎柳尙青青人去鷓成夢風來鶴倦聽  
苔深尋露卯花落護簾丁玉騎匆匆過相思幾度經  
荒園

飄泊舟如屋閒鷗慣結鄰全家三兩口小住十年春  
愛泛清波渡情深舊釣綸滄浪容我傲何必戀浮塵  
野航

東彭甘亭上舍

北蘇

海上丹霞飛僊人擁華蓋俯瞰八極小高摘獨星大舌吞  
雙丸紅胸吐五雲霜當其乘長風咳唾落天外滄澗渺於  
粟黃河狹於帶鮫宮斗量珠虬闕斛琢貝精光逼斗牛萬



怪不能害銀船挂練颿天空掃塵璫素娥鳴珠璫神斐獻  
璫柰盛鬢不同制列坐盡少艾石蘭鉅檣屋香蕙豔繁翻  
縱橫元圃觴絡繹瑤池會妙采照殞絃大觀此焉最余亦  
東海客神交遡范泰隔越風水渙落寞麗澤兌春明辭駿  
臺秋浦戀鱸膾大雅孰較輶俗學逞狡獪啁啾釜鳴雷雜  
還鼓動旂金精匿重淵沉沙必先汰陶鎔入洪鑪築冶惟  
子賴

庚午

答寄汪侍御

彥博

青雲志氣壯致身苦不早我年屆四十鴛鴦老伏阜豈不  
羨汗血恥作駒與駉總轡馳平原泛駕勿草草負哉古先

哲希聲蓄琛寶積寸乃得尺不達窮亦好來訊勵令猷積  
誠爲傾倒隆誼愧孤負慚焉意如擣

四十自述

此日大可惜漸衰壯盛心名場老馳逐奇氣暗消沉隻影  
愁臨鏡獨居防愧衾星河耿長夜特爲照清陰  
銜恤終天恨劬勞莫報恩几筵感春露風水痛秋原舊宅  
城南廢遺編硯北存林鳥啼愴惻落日淚聲吞

浪跡隨萍梗華年瞥眼過關河歸雁少風雨酒人多蒼莽  
哀箏氣飄零長鋏歌漸看兒女長向累又如何

塵海茫無畔閒身俯仰寬苦吟詩思進澹慮夢魂安流水  
識所尚青山不厭看何須感遲暮絲竹動悲歡

白下懷李一元堦

尙湖明月好送客白門遊以我碧天夢思君紅葉秋江山  
餘古蹟池館弔名流嘹唳南飛雁臨風起暮愁

九日招吳

卓信

黃

廷鑑

張

鐸

小集虞山北城之松

棚酒舍分韻賦詩余得仙字

登高不必上翠微飲酒不必開綺筵虞山北城重九會酒  
龍詩虎皆神仙兩壺對斟盡三爵疾飛大觥鯨吸川清歌  
隨風入層漢一鶴嘯破千林煙青山勸客酌酩醉我與公  
等非少年酒醒秋風攬涼思霜花照眼寒更妍蒼松入雲  
白日暮一綫露出紅霞鮮諸公欲歸且歸去我醉便從酒  
舍眠

梨刀錢范歌

季生示我古錢范乃是王莽之梨刀徑廣五寸厚半寸其中窈深四角高左列錢面右則幕裁制濶狹齊纖豪吾聞攻金有六職築冶息桌段與挑又聞范金先合土搏埴之工曰旋陶印泥覆范兩配合巧匠獨以精心操蘆灰梅黓出青氣爐火爆焰流銅膏千年北邙瘞錢處潑鏝黓慘英光韜蠟蝟蛻骨出人世隱現鱗甲蟠鯨龜紋空嵌紅間碧叩之鏗爾戛玉璫惜乎此范僭偽物弔古令我心切切哀平以降漢祚促黃牛白腹爭喧嘈三官赤仄變舊制大泉壯布雜市曹梨刀一枋直五百吏民逐未恣饕饕盜鑄嚴禁不得禁奸胥競挾銅炭逃水衡少府半耗竭饑鴻啄

粟哀蒼蒼貨泉竟應白水識昆陽虎豹悲風號乃知刀泉  
召殺氣不模不範徒爾勞

山居讀書四首柬李

元壇

暨其弟

宗堉

鷓鴣栖宿處巢父得安居狹室審容膝深山足著書狂花  
紅覆帳落葉翠飄裾十笏吟懷暢脩然塵跡踈

鎮日藜床對高譚有二丁嵐容千樹紫松影一鐙青破壁  
摻殘帙豐碑搨舊銘巖扉鼓翠繞雲氣若爲扃

入山塵念澹日月靜中長一礪古琴漱六朝春草香精思  
托豪素夾注雜丹黃有客籃輿到坳堂笑引鸞

著作名山業煙霞氣味真道從高處仰人與古爲鄰暗谷  
藏猿鶴虛堂嘯鬼神高歌發慷慨餘響入清冷

蕭子山茂才

論

自金陵歸權枉過草堂卽送予之

虞山賦此留別

湖田人去日江岍客歸時  
舊約青雲伴新攜白下詩  
夕陽窮遠目高柳縮離思  
後夜燈花落懷人酒一卮

張補葺孝廉

景江

來游虞山同吳頊儒

卓信

卿

孫少初茂才

理酒樓夜飲

客爲看山到先來卽主人  
燭檠紅吐藥酒盞綠浮鱗  
月色澹將落湖光辨未真  
飛觴喧語笑醉舞不相嗔

澹僊曲

有序

閩妓李澹僊色藝雙絕負重名而性孤介客有擲千金往  
聘者落落不一當意琴溪蕭某游樵川一見輒相憐惜旣

而蕭將辭閩願委身焉蕭故貧纏頭之費不滿什之二三  
悵然中止澹僊乃泣請曰妾薄命流落君又不能振拔之  
妾願以小像屬君携歸倩吳中諸名流題詠使知青樓朱  
箔中有李澹僊其人者妾亦可以無憾矣嗚呼黃金欲鑄  
神仙無速轉之丹青眼難逢鶯花有可憐之色能無悼韋  
郎之玉簫泣秋娘之金縷也爰賦長歌以誌吾感

桃笙月冷芙蓉縵清瑟宵彈羽霓曲青衫紅袖兩傷心瑤  
艸空階爲誰綠桃柳花發可憐春十里樵川漾翠鱗蓮葉  
橫波迎畫舫楊枝夾道曳香塵金蟬銅雀嬌羅綺日出城  
南睡初起澹掃修眉合喚仙師師艷姓人傳李蕭郎閩海  
鯨吟鞭解珮傳觴玳瑁筵舊夢香丸情擾惱新盟玉杵話

鏡綿皓齒明眸謝雕飾羣花睥睨無顏色鐵撥龍香孔翠  
穿銀梭鴛縷流黃織青粉牆邊悵落暉腰肢瘦損六銖衣  
願隨蕭史乘鳳去不共章臺柳絮飛吳艚越舫停蘭澤新  
水桃花送歸客月影闌干燭影斜與郎共此銷魂夕了烏  
牕紗翡翠籠兜鞵情緒恨匆匆酒因泣別痕餘綠花爲傷  
春色更紅離亭玉柱橫霑軾唱斷驪歌淚盈臆滄海難求  
十斛珠青山恨少雙飛翼崔徽風貌如花嬌應倩傳神盛  
子昭裝就瓊花新樣錦倩郎珍重載歸橈但教尺幅青苔  
紙賤妾才名備花史差勝鴛鴦冢上碑宿艸愁紅土花紫  
一生憔悴爲情癡郎亦如儂失意時天涯海角憐知己秋  
雨春風寫恨思簪挑翠縷同心釧手把紅羅定情扇鈿鏡



粧階畫裏身伯勞飛燕時相見渺渺江潭起白蘋碧雲日  
暮客愁新登樓王粲心情減不獨飄零泣美人

送吳門李布衣

邦熾

之河南

李生不樂居江鄉飄然辭我遊洛陽愧無黃金贖遠別使  
君行李生輝光贈君秦漢之瓦當長生未央母相忘贈君  
隄麋之古墨上黨松心碧煙直君書行草體勢工君畫大  
有元人風書記翩翩自矜許舉止談吐殊從容問年三十  
尙未娶骨肉彫傲囊囊空困羈虞羅翦長翼不能冲飛逐  
走蓬浮雲蔽天日色薄搔首我欲呼皇穹古驛霜楓肅秋  
曉嘆君此行何草草黃河波浪險且惡滅沒鼉鼉亂青杏  
君其愛此千金軀變幻風濤善自保銅雀荒涼鄴下臺梁

園詞賦老鄒枚名山少室鬱靈閔必有奇士埋荒萊願君  
早賦歸去來與我挹裋滄江隈我將共君騎鯨散髮入東  
海倒挾巨浪滄溟開

吳葵生茂才

景思

將有洛下之行爲寫滄江載書

圖并贈以詩

葵生古之狂簡流不與俗士同好尙奇氣欲出不盡出累  
蹶霜蹄膽更壯扁舟載書洛水濱欲尋少室山中人囊金  
不滿十數兩百城高擁非爲貧船頭雪花大如掌寒坐孤  
燈成獨往高歌半夜蛟龍驚水色天光共蒼莽飢鷹啄屋  
鳥不飛君行千里將何爲荒雞啼曉不肯卧僮僕竊罵憎  
書癡嗚呼世上未有如君癡安得洛陽復逢賈生輩懷抱

永此千秋期

瑛兒初應州試作詩示之

吾昔五試童子場年二十一遊泮庠汝年十三爲文章今  
歲州試初觀光攝衣直上刺史堂笑汝豪興凌青蒼歸檢  
艸藁十數行瑕瑜姑置勿細詳趁暉弟妹牽衣裳爭索棗  
脯搜竹筐燭花高檠飛赤芒汝侍飲酒立膝旁居吾語汝  
汝勿忘食甘先以苦味嘗久久饜飮深而長當今

天子求賢良鮫綃億段玉尺量丹苞鳳藻翔華閭飛騰變  
化爲汝望

寒夜飲吳頊儒齋中

江湖殘歲逼風雪破裘寒今我鬱不樂惟君愜所歡燭消

情話永月耐苦吟看激宕餘豪氣如何酒不乾

辛未

遊鹿城郎氏小園奉東郎正叔丈

炳藜

負郭幽人宅空齋絕點塵閒雲鷗鳥夢明月薜蘿春砌蘚  
綠圍座牆花紅笑人馬鞍延秀靄鎮日伴吟身

一徑列幽壑登臨勝事兼竹籬斜抱水石磴峭穿檐鶴愛  
蕉邊立魚宜苕底潛催租人不到信手韻頻拈

郎芝田茂才

際昌

畫山水歌

畫山山從天外落畫水水自雲中來五百年間推巨手一  
峰老人安在哉國初畫法元人肖太原司農擅神妙誰  
尋其委窮其源鹿城近得郎士元橫皴側點作劈斧意趣

無窮出奇古丹青續就懸虛堂往往蛟龍吼風雨虛堂風  
雨說通靈聽之無聲似有聲真想自在筆墨外煙嵐杳杳  
雲冥冥贈我霜綃一丈許碧山紅樹芙蓉渚有人開徑招  
仙羣鎮日看雲雨無語我欲乘風學冲舉咫尺千山萬山  
阻安得賣藥逢壺公跳身入此圖畫中重呼癡仙作仙友  
醉倒瓊蘇百斛酒蓬萊絕頂崑崙巔解衣旁礴揮長箋空  
青落手屏障濕寥天萬里驅雲煙

鹿城歸舟

綠楊隄畔木蘭橈劃破螺痕水一條細雨鶯聲啼不斷賣  
花人過玉龍橋

張補葺孝廉以懷人詩冊寄示卽題其後

我無不好詣人癖豈不爾思奈遠何夜雨小樓燈下酒著  
書應比昔年多

春日有懷海虞山中人

同里  
張景江

傭書虞左近接琴河言念素交愛而不見得詩數章  
聊寄停雲之思興到卽書興闌輒罷所懷固不盡屬  
於此若夫山靈笑人諸君其爲我解焉

此來何事最情親一桁青山幾故人山隔重雲人不  
見空教望斷水粼粼

我愛風流盛孝章記拈新句必同商而今閒却談詩  
口莫道狂奴似舊狂

子履與余皆嚴於論詩嘗劇飲  
酒樓兩人共論砭詩家得失侃

侃而談四

座驚避

季重天生補史才酒酣以往氣如雷名山絕業編成

否副墨先期示我來

項儒嘗著三國補志余猶未及見也

依依爲問靈和柳妙詠風懷近若何我縱無才效官

體也思一聽懊儂歌

家椒卿詩最工側體又善以曼聲歌之

仙李蟠根正妙年倪寬蔣詡共周旋

謂湘芷亦魯秋漁

當時

被酒匆匆去衣上香痕尙宛然

前年冬余自虞山旋里已解維矣諸君又

要於路共往酒家大醉而別

探梅絕憶招真治

係蕭梁古治在西城山麓每梅花盛開時子履椒卿諸君無日不在

積雨終虛泛野航未免寒花笑人俗不將冰雪浣詩

腸

九日約黃琴六

廷鑑

遊北山爲風雨所阻次日造

訪不遇悵然成詩

籃輿有約過山莊  
楓漸飛丹菊漸黃  
但說今秋少風雨  
不知明日是重陽

屋後遙山倚杖看  
一杯濁酒不成歡  
漁洋九日詩堪憶  
零雨層城薄暮寒

遠近嵐光曉  
霽開綠雲一徑  
罨莓苔寒花笑  
蒼疎慵甚不爲尋  
詩却不來

溪頭鷗鳥日聯羣  
遮莫綠慳我共君  
第六琴絃水清淺  
美人咫尺阻重雲

移居四首

杜叟胸中屢能歡  
寒士顏我廬  
破風雨荒徑沒  
榛菅運甓



勤何補牽蘿計亦艱掉頭不肯住夢逐白雲還

問舍與求田此心殊澹然欲栖倦飛翼老我著書年束蟄  
春先到蝸牛骨亦仙一椽審容膝俯仰足安便

應門僮僕少居近市塵宜不厭塵囂溷欣將家具移月光  
臨檻早花色上簾遲乞借鄰家壁樓邊築小窠

比戶居稠密行人雜沓過街前帘影合屋後屐聲多濁酒  
沽來易新詩醉卽哦鷓鴣哥橋畔月留客照顏酡

遣興五首

驚心白日堂堂去如許頭顱愧此身丹室無緣成大藥青  
山有分作閒人早知嬾骨難諧俗豈怨儒冠不療貧十載  
龍泉藏古匣夜寒霜月照常新

盧龍紫氣入雄關萬里風雲托顧閒憶昔麻鞋來目下至  
今詩夢落燕山空慚縞紵聯僑札豈有文章繼馬班客路  
三千成底事不堪自照鏡中顏

一卷笙詩補未成夜蛩四壁助悲吟烏啼月落秋林薄馬  
鬣霜封宿草深短髻無端增客感重泉何以慰親心遺編  
不忍重開讀暗對孤燈淚滿襟

江鄉滿目渚鴻哀淮北河隄又告災已患流離盈卧路况  
多風雨獨登臺防秋有 詔資籌畫輸粟頻年竭賦財華  
省諸公來衮衮蒼生須仗濟時才

荒江歸卧掩荆扉讀易空齋得靜機座有煙雲供養好門  
無車馬送迎稀山村老樹蒼逾瘦艸閣新寒綠不肥白紵

夜涼休便換窮簷九月嘆無衣

琴六齋中觀所藏古錢戲贈長句兼寄吳葵生

虞山誰家藏古錢吳君葵生暨黃子葵生搽索號繁富黃  
子癖嗜更無比紫檀沉香大小匣青紅縹碧燦斐几秦漢  
隸篆細鉤畫蚪蚪蜿蜒妙誰擬唐宋以來鼓鑄繁辨訛訂  
偽援圖史權量輕重別銖兩裁度厚薄析肌理中有雙龍  
與雙鯉隱約鱗紋徹表裏虬藤滴翠濕欲流凍蛟啄月寒  
不死不知何年乃鑄此贗者莫竊讒鼎似其餘異品紛錯  
糾亂縷美不勝屈指憶昔葵生購錢始余數恣恣互相市  
拔其尤者歸我橐自笑貪心不知止君之藏錢與我埒比  
似葵生則過矣余其備禦慎守寶戒勿棄置若脫屣恐君

兼并侈心起嗚呼君毋兼并侈心起

題郎正叔丈松泉清籟圖照

百泉撼萬松山靜異俗響凌虛落秋影  
夏籟盪塵想忽疑  
仙人來蹠躑曳鶴嗔笑揖圖中人贈以叩竹杖飛泉不到  
處松心自孤往長嘯巖石顛詩懷浥秋爽

題郎芝田臨王石谷山靜日長圖長卷

咍煙散人不可作畫苑宗風嘆零落叢殘粉本爭臨摹結  
構雖工神氣薄今之健者郎士元胸中自具真邱壑偶臨  
長卷出示余吸取精華棄糟粕翠屏撐空削窈窕綠天永  
晝涵虛廓君言臨畫但臨意繩墨不被前賢縛不然衣冠  
類優孟坐使精神盡銷鑠亦猶作詩必此詩性靈何處重

開拓新豐雞犬識舊居尺寸錙銖細裁度匠門習氣乃若  
此筆下那容少倚着自來名家善擬古離貌取神得秘鑰  
君更變化神而明大法蠶叢手親鑿畫裏依稀太古春山  
中大有琴書樂虛堂展翫移我情報以一詩免負諾

王椒畦孝廉

學浩

畫松林跌坐圖歌爲郎芝田作

兼柬椒畦

一人跌坐松林邊云是吾友郎芝田誰其圖者王孝廉意  
致生動清而妍畫手應共芝田傳吾聞芝田畫松得松意  
着意自在揮毫先此非畫史乃畫仙今之此圖妙相合一  
妙未識誰尤賢龍鱗疊蒼翠虬幹蟠連蜷上有峩峩列岫  
之遠靄下有淙淙瀉壑之飛泉置身其間萬慮捐洪崖浮

邱列左右相與挹衷同拍肩乃知畫境到神妙世上別開  
一洞天余也煙霞抱清癖披君此圖喜且顛煩君呼我入  
畫裏同坐公陰叅畫禪

壬申

立夏日同琴六椒卿游石屋洞

清游訪石屋憶昔歲次甲僧臘換凡六覓徑尙了了層岡  
蜀間嶧奧室深以窈危撐千仞墮清露一綫杳洑泉石竇  
出四溢聚成沼溜聲琤璫鳴雲氣蠖螭繞陰晴變氣候不  
辨昏與曉趺坐踞蹲石仰視碧天小更尋仄磴行別有招  
提好密林間疎篁位置天然巧始悟曩日遊匆遽失搜討  
出山日西沉一帆送歸鳥扣舷發高歌洗盞酌清醪何物

充飢腸餓餓雜餅麩無須櫻笋厨快看青山飽餞春興最  
劇一詩紀鴻爪

玉蟹泉

石崇響漱玉泉穴狀如蟹探幽關荒茸仄步學拄拐半筐  
茗具移一束松柴買涓流郭索來微雨晴空灑斫雪塵滓  
淨含黃沙礫擺香冽味自鮮心清渴先解一注亦競滉七  
椀不能罷夕暉送歸客爽氣尙颯颯遠煙半嵐迷破籟一  
燈矮歌聲出緯蕭嗶彼老漁駭

示兒用昌黎韻

聖狂判氣質變化惟詩書所以古賢俊研經坐衡廬斗室  
羅萬籍寸陰珍三餘衣不愛紈綺食豈厭菜蔬尙友百玉

載晤對欣相於雨露厚培植高幹蟠根株春榮發藝圃灼  
灼華英敷大塊和煦氣因材妙吹噓嗤彼樗與櫟頽散歸  
荒區憶我少壯時自慚腹空虛開卷偶得益歌然不自居  
年來患治生漸使故業疎勿慧劇憐汝問字牽我裾讀史  
覽興廢出語驚壯夫搜羅近頗富博嗜兼熊魚學成出問  
世淪落何足虞特恐慕奔競軒冕供歡娛轉笑窮巷子潛  
修老繩樞試與辨道德踟躇愧弗如汭流窮其源取精除  
其麤名山大事業責任歸吾徒一簣進以漸六蔽當先祛  
落落古傳人姓氏願與俱慎勿驚名利甘爲小人儒書紳  
佩吾言勗旃慎厥初

秋夜新霽



溪閣重雲卷陂塘一水流衰荷羞見月高竹不驚秋遙夜  
漏方半青山笛一樓短檠冰簟側涼意動新愁

瑛兒科試入泮詩以勗之

纔過成童歲翩然與泮遊文章初弄筆爽氣已凌秋學術  
歸深造功名勿競求原泉來混混無本卽堪憂

漫成

星河耿耿霜月高宵闌四壁寒蟲號牀頭白酒乍開甕痛  
飲何必求醇醪歲將暮矣百憂集對酒不作牛衣泣舌咍  
薪水聊自給官吏催租幸勿及君不見鄰舍有門不敢開  
悍胥街上咆哮來

丈夫年過四十姓氏無人曉五十垂垂牖下老杜陵許身

比稷契富貴難期致身早五陵衣馬美且都車騎雍容耀  
紫衝白頭儒生曳裋褐路鬼指顧羣挪揄嗚呼人生窮達  
有定數吾身不怨儒冠誤

蘊縻閣詩集卷第五